

摘藻堂四庫全書薈要

子部

欽定四庫全書薈要

子部

欽定授時通考卷五十四至
六



詳校官主事臣陳本

欽定四庫全書薈要卷一萬七百十七

子部

欽定授時通考卷五十四

蓄聚

彙考

詩雅我倉既盈我庾維億

傳露積曰庾十萬曰億箋萬物成則倉庾充滿矣倉言盈庾言億亦互辭喻多也

又我取其陳食我農人自古有年

羨倉廩有餘民得賒貫取食之所以紓官之蓄滯亦使民愛存新穀自古者豐年之法如此疏官有蓄積恐其久而腐敗所以紓出官粟之蓄積久滯者待秋收然後取民新穀以納官也地官旅師云凡用粟春頒而秋斂之註云困時施之饒時斂之此即我取其陳也王制云三年耕必有一年之食則太平豐年當家自有積而得有貸官粟者作制者美古之辭據多以言不能使皆有蓄積猶今之豐年而民有貧而無

食者稅斂有義用之以道以倉粟則陳陳相因民貧則貸取以食所以上下交濟海內乂安豈言皆無蓄積人盡取之也

又曾孫之庾如坻如京

箋庾露積穀也坻水中之高地也

又乃求千斯倉乃求萬斯箱

箋成王見禾穀之稼委積之多於是求千倉以處之萬車以載之言年豐收入踰前也

又大雅迺積迺倉

傳言民樂時和國有積倉也疏乃有委積乃有囷倉
言其有穀食之資

又周頌豐年多黍多稌亦有高廩萬億及秭

傳廩所以藏盛盛之穗也數萬至萬曰億數億至億
曰秭箋萬億及秭以言穀數多疏器實曰盛在器曰
盛謂飯食也以米粟為之遠本其初出於禾穗故謂
廩之所藏為盛盛之穗也禹貢百里賦納總即禾稼

也銍即穗也禾稼當積而貯之不在倉廩其穗當在
廩藏之自穗以往秸及粟米皆在倉廩矣廩之高大
於藏穗為宜地官廩人註云藏米曰廩者對則藏米
曰廩藏粟曰倉其散即通也廩之所容兼米兼粟也
禮記王制冢宰制國用必於歲之杪五穀皆入然後制
國用用地小大視年之豐耗以三十年之通制國用量
入以為出

註通三十年之率當有九年之蓄疏通三十年之率

者每年之率入均分為四分一分擬為儲積三分為當年所用二年又留一分三年又留一分是三年總得三分為一年之蓄王肅以為二十七年有九年之蓄而言三十舉全數

又三年耕必有一年之食九年耕必有三年之食以三十年之通雖有凶旱水溢民無菜色

又月令仲秋之月穿竇害修囷倉

註為物當藏也穿竇害者入地隋曰竇方曰害

又乃命有司趣民收斂務畜菜多積聚

註始為禦冬之備

又孟冬之月命百官謹蓋藏

註謂府庫困倉有財物

又命司徒循行積聚無有不斂

註謂芻禾薪蒸之屬

周禮遺人掌邦之委積以待施惠鄉里之委積以恤民
之糴阨門闕之委積以養老孤郊里之委積以待賓客

野鄙之委積以待羈旅縣鄙之委積以待凶荒

註委積者廩人倉人計九穀之數足國用以其餘共之所謂餘法用也少曰委多曰積

又廩人掌九穀之數以待國之匪頒調賜稍食

註匪讀為分分頒謂委人之職諸委積也調賜謂王所賜予給好用之式也稍食祿廩疏廩灋有數名天子有御廩單云廩則平常藏米之廩明堂位魯有米廩有虞氏之學以有虞氏尚孝合藏粢盛之委故名

學為米廩非廩稱也詩云亦有高廩註云廩所以藏
粢盛之穗以其萬億及秭數多非藏米之數故以藏
穗言之與常廩御廩又異

又以歲之上下數邦用以知足否以詔穀用以治年之

註數猶計也疏上下即豐凶廩人之官以歲之豐凶得稅物多少之帳計國之用以知足否若歲凶稅物少而用多則不足廩人既知多少足否乃詔告在上

用穀之灋以治年之凶豐此即王制云制國用必於
歲之杪者是也

又凡萬民之食食者人四鬴上也人三鬴中也人二鬴
下也

註此皆謂一月食米也六斗四升曰鬴疏此謂給萬
民糧食之灋食者謂民食國家糧上謂大豐年中謂
中豐年下謂少儉年此雖列三等之年以中年是其
常法鬴當今六斗四升則今給請亦然

又倉人掌粟入之藏辨九穀之物以待邦用有餘則藏之以待凶而頒之

註九穀盡藏焉以粟為主

管子凡有地牧民者務在四時守在倉廩倉廩實則知禮節衣食足則知榮辱

又積於不涸之倉者務五穀也

又凡牧民者以其所積者食之不可不審也其積多者其食多其積寡者其食寡無積者不食

又國之廣狹壤之肥瘠有數終歲食餘有數彼守國者
守穀而已矣

又歲有凶穰故穀有貴賤令有緩急故物有輕重人君
不理則畜賈游於市乘民之不給百倍其本矣凡輕重
斂散之以時即準平守準平使萬室之邑必有萬鍾之
藏藏鏹千萬千室之邑必有千鍾之藏藏鏹百萬春以
奉耕夏以奉耘耒耜器械種饌糧食必取贍焉故大賈
畜家不得豪奪吾民矣

又桓公曰糶賤寡人恐五穀之歸於諸侯欲為百姓萬民藏之為此有道乎管子曰今者夷吾過市有新成困京者二家君請式壁而聘之桓公曰諾行令半歲萬民聞之舍其作業而為困京以藏菽粟五穀者過半又武王有巨橋之粟

註巨橋倉在今廣平郡曲周縣

越絕書吳兩倉春申君所造一名均輸

呂氏春秋南呂之月蟄蟲入穴趣農收聚無敢懈怠以

多為務

淮南子夫天地之大計三年耕而餘一年之食率九年而有三年之畜十八年而有六年之積二十七年而有九年之儲雖涔旱災害之殃民莫困窮流亡也故國無九年之畜謂之不足無六年之積謂之憫急無三年之畜謂之窮乏

韓詩外傳王者藏於天下諸侯藏於百姓農夫藏於困庾商賈藏於篋竒

大戴禮方冬三月草木落庶虞藏五穀必入於倉
史記天官書胃為天倉

正義曰胃主倉廩五穀之府也占明則天下和平五
穀豐稔

又其南衆星曰層積

正義曰芻藁六星在天苑西主積藁草者

漢書高帝紀二年築甬道屬河以取敖倉粟

註孟康曰敖地名在滎陽西北山上臨河有大倉

又七年蕭何治未央宮立太倉

三輔黃圖太倉蕭何造在長安城外東南有百二十楹
又長安西渭北石徼西有細柳倉東有嘉倉初建一百
二十楹

漢書地理志河東郡有根倉滋倉

又食貨志民三年耕則餘一年之畜三考黜陟餘三年
食進業曰登再登曰平餘六年食三登曰泰平二十七
歲遺九年食然後德化流洽禮樂成焉

又文帝即位躬修節儉思安百姓賈誼說上曰古之人
曰一夫不耕或受之飢一女不織或受之寒生之有時
而用之無度則物力必屈古之治天下至纖至悉也故
其畜積足恃夫積貯者天下之大命也苟粟多而財有
餘何為而不成今毆民而歸之農皆著於本使天下各
食其力末技游食之民轉而緣南畝則畜積足而人樂
其所矣

又武帝之初國家亡事民人給家足都鄙廩庾盡滿而

府庫餘財太倉之粟陳陳相因充溢露積於外

又晁錯曰聖王在上而民不凍餒者非能耕而食之織而衣之也為開其資財之道也故堯禹有九年之水湯有七年之旱而國亡捐瘠者以畜積多而備先具也今海內為一土地人民之衆不辟湯禹加以亡天災數年之水旱而畜積未及者何也地有遺利民有餘力生穀之土未盡墾山澤之利未盡出也游食之民未盡歸農也夫寒之於衣不待輕煖飢之於食不待甘旨飢寒至

身不顧廉恥人情一日不再食則飢終歲不製衣則寒
夫腹飢不得食膚寒不得衣雖慈母不能保其子君安
能以有其民哉明主知其然也故務民於農桑薄賦斂
廣畜積以實倉廩備水旱故可得而有也

通典永平五年作常滿倉

吳書注建康宮城即吳苑城城內有倉名曰苑倉故開
北瀆通轉運於倉所時人亦呼為倉城晉咸和中脩苑
城為宮惟倉不毀故名太倉在西華門內道北

益州記成都縣東有古白帝倉

水經注汾陽故城積粟所在名之曰羊腸倉在晉門閤陽北石磴縈委若羊腸故以為名即今羊腸坂是也

隋書食貨志江左京都有龍首倉即石頭津倉也臺城內倉南塘倉常平倉東西太倉東宮倉所貯總不過五十餘萬在外有豫章倉釣磯倉錢塘倉並是大貯備之處自餘諸州郡臺傳亦各有倉

又魏天平元年常調之外逐豐稔之處折絹糴粟以充

國儲於諸州緣河津濟皆官倉貯積以擬漕運自是之後倉廩充實雖有水旱凶饑之處皆仰開倉以賑之元象興和之中頻歲大穰穀斛至九錢

又齊河清三年令諸州郡皆別置富人倉

又開皇三年詔衛州置黎陽倉洛州置河陽倉陝州置

常平倉

六典以此通轉運非糶糴

華州置廣通倉轉相灌注

玉海大業二年十月置洛口倉於鞏城周二十里穿三千窖置回洛倉於洛陽北城周十里穿三百窖窖容八

百石

唐六典司農寺有太倉令掌九穀廩藏之事注東都則曰含嘉倉倉部郎中掌倉庾凡都之東租納於都之含嘉倉自含嘉倉轉運以實京之太倉

唐書食貨志開元二十一年京兆尹裴耀卿請罷陝陸運而置倉河口使江南漕舟至河口者輸粟於倉而去縣官雇舟以分入河洛置倉三門東西漕舟輸其東倉而陸運以輸西倉復以舟漕以避三門之水險乃於河

陰置河陰倉河西置柏崖倉三門東置集津倉西置鹽倉鑿山十八里以陸運自江淮漕者皆輸河陰倉自河陰西至太原倉謂之北運自太原倉浮渭以實關中

又地理志華州華陰有永豐倉臨渭倉河中府龍門有龍門倉

唐會要咸亨三年關中饑監察御史王師順運晉絳之粟於河渭之間增置渭橋倉自師順始也

唐書李憲傳河中兵仰食於絳常數十萬石故敖保山

為固民之輸者十牛不勝一車憲於瀕汾相城治新倉
當費二百萬請留垣縣粟糶河南以錢還糶絳粟權其
贏以葺新倉絳人利賴

唐陸贄奏議君養人以成國人戴君以成生上下相成
事如一體然則古稱九年六年之蓄者蓋率土臣庶通
為之計耳固非獨豐公庾不及編氓

宋史食貨志常平義倉漢隋利民之良法常平以平穀
價義倉以備凶災周顯德中又置惠民倉以雜配錢分

數折粟貯之歲歉減價出以惠民宋兼存其法焉

文獻通考宋太宗端拱二年置折中倉許商人輸粟優其價令執券抵江淮給茶鹽每一百萬石為一界祿仕之家及形勢戶不得輒入粟

又淳化五年令諸州置惠民倉如穀稍貴即減價糶與貧民不得過一斛

宋史食貨志咸平中庫部員外郎成肅請福建增置惠民倉因詔諸路申淳化咸平惠民之制

又嘉祐二年詔天下置廣惠倉初天下没入戶絕田官
自鬻之樞密使韓琦請留勿鬻募人耕收其租別為倉
貯之以給州縣郭內之老幼貧疾不能自存者領以提
點刑獄歲終具出納之數上之三司戶不滿萬留田租
千石萬戶倍之戶二萬留三千石三萬留四千石四萬
留五千石五萬留六千石七萬留八千石十萬留萬石
田有餘則鬻如舊四年詔改隸司農寺州選官二人主
出納歲十月遣官驗視應受米者書名於籍自十一月

始三日一給人米一升幼者半之次年二月止有餘乃及諸縣量大小均給之其大畧如此

宋會要京諸倉總二十三所凡受四河運至京師者謂之轉般倉永豐通濟萬盈廣衍延豐順成濟遠富國受江淮所運永濟永富二倉受懷孟二州所運廣濟第一倉受潁壽二州所運廣積廣儲二倉受曹濮諸州所運其受京畿之租者曰稅倉京東界則廣濟第二倉受之京北界則廣積第一倉騏驎院天駟監倉受之京西界

則左天廩坊倉受之京南界則大盈右天廩倉受之

宋史夏竦傳竦子安期知渭州籍塞下閑田募人耕種
歲得穀數萬斛以備賑發名曰貸倉

玉海紹興二十六年始置豐儲倉以百萬石為額

續文獻通考宋孝宗淳熙十五年司農等言豐儲倉初
額一百五十萬石不為不多積之既久寧免朽腐異時
緩急必致失措擬以每歲諸州合解納行在米數及諸
處坐倉收糴若干預行會計以俟對兌不盡之數如常

平法許其於陳新未接之時擇其積久者盡數出糶俟秋成補糴則足五十萬石之額永無消耗此亦廣儲蓄之策也從之

又嘉泰時葉筠知南劍州州貧生子多不舉筠請立舉
子倉賑給之

又理宗紹定六年資政殿學士知潭州曾從龍奏州縣賑民之法有三曰濟曰貸曰糶濟不可常惟貸與糶為利可久今撥緡錢一千萬有奇分下潭州十縣委令佐

糴米置惠民倉乞比附常平法從之

又紹定中曾用虎知興化軍事立平糴倉捐楮幣萬六千緡為糴本益以廢寺之穀歲歉價高則發倉以糴之歲豐價平則散諸寺易新穀藏焉

又初閩人生子貧者多不舉紹興中朱文公請立舉子倉淳祐中趙汝愚帥閩推廣其意括絕沒之田產召佃輸租仍發糴本建倉收儲遇受孕五月以上者則書於籍逮免乳日人給米一石三斗至是詔賜常平錢米賑

給之

宋史儒林傳真德秀知潭州除斛面米申免和糴以甦其民民艱食既竭力振贍之復立惠民倉五萬石使歲出糴又立慈幼倉

宋呂祖謙曰大抵荒政統而論之先王有預備之政上也脩李惺平糴之政次也所在蓄積有可均處使之流通移民移粟又次也咸無焉設糜粥最下也

金史食貨志世宗大定十年上責戶部曰隨處時有賑

濟往往近地無糧取於他處往返既遠人愈難之何為
不隨處起倉年豐多糴以備賑濟設有緩急豈不亦易
辦乎

農桑通訣蓄積篇蓄積者有國之先務皆為民計非徒
曰藏富於國也先王預備憂民之意大抵無事而為有
事之備豐歲而為歉歲之憂是故國有國之蓄積民有
民之蓄積當粒米狼戾之年計一歲一家之用餘多者
倉箱之富餘少者儉石之儲莫不各節其用以濟凶乏

此固知堯湯之時國亡捐瘠所謂蓄積多而備先具者
豈皆藏於國哉蓋必有藏於民者矣今之為農者見小
近而不慮久遠一年豐稔沛然自足侈費妄用以快一
時之適所收穀粟耗竭無餘一遇小歉則舉貸出息於
兼并之家秋成倍稱而償之歲以為常不能振拔其間
有收刈甫畢無以餬口者其能給終歲之用乎嘗聞山
西汾晉之俗居常積穀儉以足用雖間有飢歉之歲庶
免夫流離之患也傳曰收斂蓄藏節用御欲則天不能

使之貧信斯言也近世利民之法如漢之常平倉穀賤則增價糴之不至於傷農穀貴則減價而糴之不使之傷民唐之義倉計墾田頃畝多寡豐年納穀而藏之凶年出穀以賙貧乏官為主之務使均平是皆斂其餘以濟不足雖遇儉歲而不憂飢殍也然嘗考之漢史賈生言於文帝曰漢之為漢幾四十年公私之積猶可哀痛彼一時也自文帝躬行節儉以化天下至景帝末年太倉之粟陳陳相因而民亦富庶人徒見古之蓄積常有

餘後之蓄積常不足豈天之生物不如古之多人之謀事不如古之智蓋古之費給有限而後之費給無窮無怪乎有餘不足之不同也

明史食貨志明初京衛有軍儲倉洪武三年增置至二十所各行省有倉官吏俸取給焉邊境有倉收屯田所入以給軍二十八年增京師諸衛倉凡四十一永樂中設北京三十七衛倉益令天下府縣多設倉儲正統中增置京衛倉凡七

又凡京倉五十有六通倉十有六直省府州縣藩府邊隘堡站衛所屯戍皆有倉少者一二多者二三十云

續文獻通考明正統四年大學士楊士奇言太祖篤意養民天下郡縣悉出官鈔糴穀貯倉以備水旱歲久滋弊穀盡食毀請擇遣京官廉幹者往督有司凡豐稔州縣各出庫銀平糴以備荒郡縣官以舉廢為殿最仁政無切於此上命戶部急行之

明楊溥奏疏凡古聖賢立國必修預備之政太祖洪武

年間每縣於四境設立倉場出官鈔糴穀儲貯其中又於近倉之處僉點大戶看守以備荒年賑貸官籍其數斂散皆有定規又於縣之各鄉相地所宜開濬陂塘及修築濱江近河損壞堤岸以備水旱耕農甚便皆萬世之利自洪武以後有司亦皆視為文具是以一遇水旱饑荒民無所賴官無所措公私交窘只如去冬今春畿內郡縣艱難可見况聞今南方官倉儲穀十處九空甚者穀既全無倉亦無存矣大抵親民之官得人則百廢

舉不得其人則百弊興此固守令之責若養民之務風
憲之臣皆所當問年來因循亦不之及此事雖若可緩
其實關係甚切

明史周忱列傳宣德五年忱遷工部右侍郎巡撫江南
諸府七年江南大稔詔令諸府縣以官鈔平糴備賑貸
蘇州遂得米二十九萬石故時公侯祿米軍官月俸皆
支於南戶部蘇松民轉輸南京者石加費六斗忱奏令
就各府支給與船價米一斗所餘五斗通計米四十萬

石有奇并官鈔所糴共得米七十萬餘石遂置倉貯之
名曰濟農

又正統初淮揚鹽課虧勅忱巡視忱為節竈戶運耗得
米三萬二千餘石亦做濟農倉法置贍鹽倉益補逃亡
缺額由是鹽課大殖

大清會典順治十三年議准積穀賑濟令修葺倉廩印烙
倉斛選擇倉書糴糶平價不許別項動支

又康熙二十九年

諭朕撫育黎元勤思治理足民之道宜裕蓋藏從來水旱
靡常必豐年恒有積儲庶歉歲不憂饑饉如康熙二十
七年頗稱歲稔誠使民間經營撙節早為儲蓄何至二
十八年偶遇旱祲室皆懸磬總因先時無備遂至餬口
維艱比蠲除正賦特發帑金分行賑濟所在官司悉仰
體朕懷竭力從事被災之衆始獲安全倘非拯救多方
則災黎必流移失所今霖雨時降黍苗被野刈穫在即
可望有秋惟恐愚民不知愛惜物力狼籍耗費祇為目

前之計罔圖來歲之需縱今年復屢豐亦難漸臻殷阜
應行直省各督撫嚴飭地方官吏家諭戶曉務使及時
積貯度終歲所食常有餘儲用副朕軫念民依綢繆區
畫至意

又康熙三十年覆准直屬所捐米石大縣存五千石中
縣存四千石小縣存三千石倘遇荒歲即以此項給散
其留倉餘剩者俱於每年三四月照市價平糶五月初
旬盡數解交守道貯庫九月初旬各州縣仍領出買新

穀還倉

又康熙三十四年

諭積貯米穀最為要務倘能實有蓋藏則雖遭凶荒必不
至於飢餓但小民不知儲蓄每於豐稔之年恣意糜費
一遇歉歲即坐困不支今正值麥石收穫之時應行各
該地方官勸諭百姓令各戶量力捐輸積貯該州縣官
將輸納之人姓名數目詳記冊籍其秋禾收穫以後亦
依此例舉行如春月轉貸於乏穀之民俟秋月即照此

數償還備用每歲當收穫時遵行此捐輸之法不數年間米穀充裕縱使歲偶不登何至閭閻艱於粒食大學士等與九卿詹事科道會議具奏遵

旨議定令直省各督撫飭各州縣衛所官員勸諭鄉紳士民人等每歲收穫時令各戶量力所能不論幾石幾斗捐輸積貯若將米麥貸於乏穀之人俟收穫時即照原領米麥之數交納如有不肖官員抑勒多收情弊事發即照私派錢糧例處分每歲收穫時俱照此遵行

又康熙四十三年覆准山西之民別無他業惟資田畝
恐積貯穀少一時需用購買維艱每大州縣存穀二萬
石中州縣一萬六千石小州縣一萬二千石

又康熙四十四年議准河南省河南府居數省之中積
穀以備賑濟山陝之需令將四十三年漕米每米一石
易穀二石共穀四十六萬五千六百石零於河南府收
貯穀二十三萬五千六百八十一石造倉廩二百九廿
三間其餘二十三萬於近汴近洛之祥符縣貯穀三萬

石中年縣貯穀二萬五千石汜水縣貯穀二萬石鞏縣
貯穀二萬五千石偃師縣貯穀二萬八千石陝州貯穀二
萬七千石靈寶縣貯穀二萬八千石閩鄉縣貯穀二
萬七千石共造倉廩三百六十四間嚴飭加謹收貯每
年於青黃不接之時出陳易新照依三分之一借給民
人秋後還倉

又雍正三年

諭古者視土之上中為儲蓄之節蓋為民經畫久遠不為

一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民為念乃重農積粟之詔屢下而閭閻率少蓋藏官倉亦多虧缺即如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂有饑色幾至流離若非多方賑恤窮民必致失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平等倉原為備荒

而設乃有司奉行不力多至缺額罪何可逭茲據江南
浙江江西湖廣福建河南山西陝西廣東廣西雲南貴
州等省督撫報稱今歲秋成八九十分不等朕覽不勝
慰悅又重為吾民計及長久宜及此時講求儲蓄之道
以備將來該督撫等可轉飭有司徧行曉諭務須撙節
愛惜各留有餘預為他時緩急之需社倉之法亦宜乘
此豐年努力為之勿但視為虛文故事朕為吾民壽畫
養贍之道惓惓於懷無時或釋而吾民自謀其身家若

但苟且因循不復長顧遠慮則重負朕軫念元元之意
矣至於州縣倉儲向有虧缺者若不乘此豐收之時速
行買補將來發覺斷不姑貸慎之慎之

又雍正三年

諭積貯倉糧特為備荒賑濟之用但南省地方甚屬潮濕
米在倉一二年便致霉爛實難收貯改貯稻穀似可長
久應否改貯稻穀收貯之處著詳議具奏遵

旨議定江安閩浙湖廣江西四川廣東廣西雲南貴州十

省內除安徽但有稻穀原無存貯米石及浙江福建倉米有限無容改易其湖南湖北四川江西四省存貯米石皆在五萬石內外令於一年內改換稻穀江淮截漕米廣東存倉米皆八萬餘石廣西存倉米十萬餘石零分作二年改換稻穀雲南米五十七萬餘石貴州米四十萬餘石一二年內不能盡行改易每年雲南應給兵糧十四萬九千六百餘石貴州兵糧九萬五千六百餘石即將二省存倉之米支給至秋成時於額徵內徵收

稻穀補項雲南存倉米石四年內盡可改換貴州三年內盡可改換令各地方官添造倉廩以備收貯

欽定授時通考卷五十四

欽定四庫全書薈要卷一萬七百十八

子部

欽定授時通考卷五十五

蓄聚

常平倉

漢書宣帝紀大司農中丞耿壽昌奏設常平倉以給北邊

又食貨志宣帝時大司農中丞耿壽昌白令邊郡比糴倉以穀賤時增其價而糴以利農穀貴時減價而糴名

曰常平倉民便之

通典漢明帝永平五年作常平倉

後漢書劉般傳永平十年帝欲置常平倉公卿議者多
以為便般對以常平倉外有利民之名而內實侵刻百
姓豪右因緣為姦小民不能得其平置之不便帝迺止
晉書武帝本紀咸寧二年九月起常平倉於東西市
又食貨志泰始四年七月立常平倉豐則糴儉則糶以
利百姓

文獻通考齊武帝永明中天下米穀布帛賤上欲立常平倉市積為儲六年詔出上庫錢五十萬於京師市米買絲繇綾絹布

隋書食貨志開皇三年京師置常平監

唐會要武德元年詔置常平監官永徽六年京東西二市置常平倉開元七年關內隴右河北河南五道及荆揚襄夔綿益彭蜀資漢劍茂等州並置常平倉

唐書食貨志貞觀中洛相幽徐齊并秦蒲州置常平倉

粟藏九年米藏五年下濕之地粟藏五年米藏三年皆著於令

又自太宗時置義倉及常平倉以備凶荒高宗以後稍假義倉以給他費至神龍中畧盡玄宗即位復置之其後第五琦請天下常平倉皆置庫畜本錢至是趙贊又言自軍興常平倉廢垂三十年凶荒潰散餒死相食不可勝紀陛下即位京城兩市置常平官雖頻年少雨米不騰貴可推而廣之請兼儲布帛請於兩都江陵成都

揚汴蘇洪置常平輕重本錢上至百萬緡下至十萬積
米粟布帛絲麻貴則下價而出之賤則加估而收之諸
道津會置吏閱商賈錢每緡稅二十竹木茶漆稅十之
一以贍常平本錢德宗納其策屬軍用迫蹙亦隨而耗
竭不能備常平之積

舊唐書食貨志元和六年制諸道府州有少糧種處委
所在官長用常平義倉米借貸淮南浙西宣歙等道十
三年戶部侍郎孟簡奏凡州府常平義倉等斗斛請準

舊例減估出糶但以石數奏中有司更不收管內州縣得專達以利百姓從之

文獻通考開成元年戶部奏應諸州府所置常平義倉伏請今後通公私田畝別納粟一升逐年添貯義倉斂之至輕事必通濟歲月稍久自致盈充縱逢水旱之災永絕流亡之慮從之

玉海淳化三年六月詔置常平倉命常參官領之歲熟增價以糶歲歉減價以糶用振貧民復舊制也

又祥符二年分遣使臣出常平倉粟麥於京城開八場減價糶之六年又併兩赤縣入在京常平倉

宋史食貨志淳化三年京畿大穰分遣使臣於四城門置場增價以糴虛近倉貯之命曰常平歲飢卽下其直予民景德三年言事者請於京東西河北河東陝西江南淮南兩浙皆立常平倉計戶口多寡量留上供錢自二三千貫至一二萬貫令轉運使每州擇清幹官主之領於司農寺三司無輒移用歲夏秋視市價量增以糴

糶減價亦如之所減不得過本錢而沿邊州郡不置詔
三司集議於是增置司農官吏創廨舍藏籍帳度支別
置常平案大率萬戶歲糶萬石戶雖多止五萬石三年
以上不糶即回充糧廩易以新粟災傷州郡糶粟斗無
過百錢

又景祐中淮南轉運副使吳遵路言本路丁口百五十
萬而常平錢粟纔四十餘萬歲飢不足以救卹願自經
畫增為二百萬他毋得移用許之後又詔天下常平錢

粟三司轉運司皆毋得移用不數年間常平積有餘而
兵食不足乃命司農寺出常平錢百萬緡助三司給軍
費久之移用數多而蓄藏無幾矣

又自景祐初畿內飢詔出常平粟貸中下戶戶一斛慶
厯中發京西常平粟振貧民而聚斂者或增舊價糴粟
欲以市恩皇祐三年詔誠之淮南兩浙體量安撫陳升
之等言災傷州軍乞糴常平倉粟令於原價上量添十
文十五文殊非卹民之意乃詔止於原價出糴

文獻通考司馬光劄子言常平法公私兩利向者有因
州縣缺常平糴本錢雖歲豐無錢收糴又官吏厭糴糴
之煩不肯收糴又有官吏不能察知在市實價憑行人
與蓄積之家通同作弊當農人要錢急糴之時故意小
估價例令官中收糴不得盡入蓄積之家直至過時蓄
積之家倉廩盈滿方始頓添價中糴入官是以農夫糴
穀止得賤價官中糴穀常用貴價致州縣常平倉斛斗
有多年在市終不及元糴之價堆積腐爛者乃法因人

壞非法之不善也

又司馬光言常平倉者乃三代聖王之遺法非獨李愷耿壽昌能為之也穀賤不傷農穀貴不傷民賴其食而官收其利法之善者無過於此比來所以隳廢者由官吏不得其人非法之失也今聞條例司盡以常平倉錢為青苗錢又以其穀換轉運司錢是欲盡壞常平專行青苗也國家每遇凶年所賴者只有常平倉錢穀耳今一旦盡作青苗錢散之向去若有豐年將以何錢平

糴若有凶年將以何穀賑贍乎臣竊聞先帝嘗出內藏庫錢一百萬緡助天下常平倉作糴本前日天下常平倉錢穀共約一千餘萬貫石今無故盡散之他日若思常平之法復欲收聚何時得及此數乎臣以謂散青苗錢之害猶小而散常平倉之害更大也

名臣奏議御史中丞杜衍乞詳定常平制度疏畧國家列郡置常平倉所以利農民備飢歲也然而有名無實者制度不立耳臣以謂立制度在乎量州郡之遠近計

戶口之衆寡取賤出貴差別其飢熟信賞必罰責課於官吏出納無壅增減有制本息之數勿假以供軍斂導之時力禁其爭利至於蜀漢狹境交廣寬鄉或通川易地之殊或邊郡巖邑之異各立條教以節盈虛限回易之歲時虞其損敗制立典之侵刻督以嚴科則瘠瘦可充飢饉有備也

文獻通考高宗紹興九年宗丞鄭禹乞以常平錢於民輸賦未畢之時悉數和糴即詔行之上因諭宰執曰常

平法不許他用惟待振飢取於民者還以予民也

續文獻通考乾道六年胡堅常進對奏廣糴常平上曰
若一州得二十萬石常平米雖有水旱不足憂矣

又金章宗明昌元年八月御史請復設常平倉省臣議
言大定舊制豐年則增市價十之二以糴儉歲則減市
價十之一以糴增之減之以平粟價故謂常平非謂使
天下之民專仰給於此也今生齒至衆如欲計口使餘
一年之儲不惟數多難辦又慮出不以時而致腐敗非

經久之計若令諸處自官兵三年食外可充三年之食者免糴其不及者俟豐年糴之庶可久行從之

金史食貨志明昌三年帝謂宰臣曰常平倉往往有名無實况遠縣人戶豈肯跋涉直就州府糶糴可各縣置倉令州府縣官兼提控管勾遂定制縣距州六十里內就州倉六十里外則特置舊擬備戶口三月之糧恐數多致損改令戶二萬以上備三萬石一萬以上備二萬石一萬以下五千以上備一萬五千石五千戶以下備

五千石

續文獻通考至大二年九月立常平倉

又至元元年立常平倉

元史食貨志常平倉至元六年始立八年以和糴糧及諸路倉所撥糧貯焉

明史食貨志弘治中江西巡撫林俊請建常平及社倉又嘉靖初帝令有司設法多積米穀仍倣古常平法春振貧民秋成還官不取其息

農政全書明張朝瑞議常平倉廩申文伏覩洪武初令天下縣分各立預備四倉官為糴穀收貯以備賑濟盖次灾則賑糴極灾則賑濟曰賑濟則賑糴在其中矣賑糴即常平法也奈歲久法湮各州縣僅存城內預備一倉其餘鄉社倉盡亡之矣天灾流行國家代有為生民長久之計則常平倉斷乎當復茲令各屬縣備查四鄉有倉者因之有而廢者修之無者各於東西南北適中水陸通達人煙輳集高阜去處官為各立寬大堅固常

平倉一所倉基約四畝合用工料本道查發贓罰并該
府縣查處無礙官銀輾合陸續備辦建造每歲將守巡
道及府縣所理罪犯紙贖實將一半糴穀入倉或查有
廢寺田產及無礙官銀聽其隨宜糴買又或民願納穀
者一如祖宗已行之法請敕獎為義民或如近日救荒
之令給與冠帶旌扁大約每鄉一倉上縣糴穀五千石
中縣糴穀四千石下縣糴穀三千石不許逼抑科擾平
民各擇近倉殷富篤實居民二名掌管免其雜差准其

開耗每收穀一百石待後發糶之時每名准與平糶三

石以酬其勞糶完即換掌管勿使重役城中預備倉照常造送盤查四鄉常平倉免送盤查止於年終各倉經管居民將舊管新收開除實在總撒數目用竹紙小冊開報該縣縣將四倉類冊申送各院並布政司及道府查考凡收糶俱該縣掌印官或委賢能佐貳官監督不許濫委滋弊穀到用該縣原發較勘平準斛斗收量明白暫貯別所積至百石以上方許稟官一收如有臨收

留難及未收虛出倉收既收侵盜私用冒借虧欠等弊
查追完足各縣徑自從輕發落其有侵冒至百石者通
詳定奪每歲秋冬之交本道或該府掌印管糧官單車
間一巡視以防掌印官之治名而不治實者除無飢小
飢之年不糶外或值中飢大飢四鄉管倉人役稟官監
糶另委富民數名用官較平等收銀其出糶一節當與
四鄰保甲之法並行如該鄉穀多即糶穀一日保甲一
週穀少則分為二三日或四五日保甲一週務使該鄉

公舉貧民至期令其持價糴買如富者混買連坐保甲
仍行宋張詠賑蜀之法一家犯罪十家皆坐不得糴中
飢糴倉穀之半大飢糴倉穀之全俱照原糴價銀出糴
不可加增寧少減之大約減荒年市價三分之一方可
壓下穀價不至騰踊或倉穀糴盡而民飢未已則慎選
貧役持所糴之穀本赴有收去處循環糴糴源源而來
民自無飢救荒有功貧役分別獎賞此蓋儲用社倉之
法而糴用常平之意者也四鄉糴完即將穀價送官聽

掌印官於秋成之日就近各選殷實人戶領銀盡數照時價糴穀牙脚等費晒颺等耗與造冊紙張工食等項俱准開銷其穀晒颺乾潔官監上倉如法安置仍總計糴穀正銀并牙脚折耗等費每石約共銀若干報官貯冊以為日後出糴張本官不得將銀貯庫過冬致高價難買如穀賤不糴責有所歸是倉不設於空僻去處者恐荒年盜起是齎之糧也穀不隸於臺使查盤者恐委盤問罪是遺之害也行平糴之政而不用稱貸取息之

法者恐出納迫呼蹈青苗法之擾民也蓋社倉之法立則以時斂散富者不得取重息而貧民需惠於一歲之中常平之法立則減價糶賣富者不得騰高價而貧民受賜於數十年後大飢之日昔蘇文忠公自謂在浙中二年親行荒政只用出糶常平米一事更不施行餘策若欲抄劄飢貧不惟所費浩大有出無收而此聲一布飢民雲集盜賊疾疫客主俱敝惟有依條將常平斛斗出糶即官司簡便不勞抄劄勘會給納煩費將數萬石

斛斗在市自然壓下物價境內百姓人人受賜此前賢已試之法信不我欺故曰常平法斷當復也城內之預備倉有出無收其費甚鉅四鄉之社倉易散難斂其弊頗多惟常平倉胡端敏公所謂不必更為立倉就當藏穀於四鄉倉之側者其法專主糶糴而糶本常存蓋不費之惠其惠易徧弗損之益其益無方誠救荒之良策矣但積穀固難建倉尤難建一時美觀之倉非難建百年永賴之倉為難欲如法建倉非多方處費不可其倉

務要宏敞堅固可垂百年蓋藏之計寧廣毋狹寧質毋
文毋惜小費毋急近功如工費一時不能接濟許於四
倉之中擇近便或一倉或二倉先行起建餘聽漸舉至
於各倉穀本以後許將守巡道并府縣所理罪犯紙贖
實將一半糴穀入倉仍聽查處別項無礙官銀隨宜糴
買陸續積貯不急取盈如民間有義助建倉及輸粟備
賑者照依前例呈請分別獎勸但不許坐派大戶科罰
擾民年久倉有損壞如無官銀准及時支穀修理但不

許賤算穀價仍令該府縣掌印官將創修過倉廩積貯過穀數等項逐款填造一體申送稽核

大清會典順治十七年議准常平倉穀春夏出糶秋冬糶還平價生息務期便民如遇凶荒即按數給散灾戶貧民飭有司實力奉行

又康熙十九年覆准直省常平倉留本城備賑永停協解外郡

又康熙四十三年覆准廣東存貯常平倉米穀照例存

貯多餘米穀易銀近省者將銀兩交貯藩庫遠者將銀兩交貯府庫遇有荒年准司府將庫貯銀兩遣官赴鄰省豐熟地方採買運至被災之處照買價糶賣至存倉米穀照例出陳易新惟潮州府僻處山陬或遇荒歉米粟價值騰涌令存貯穀四萬八千七百餘石以備不虞又議准閩省現在捐輸穀二十七萬餘石常平倉穀約五十六萬餘石其內地積穀仍按原存州縣之額數存留其常平倉穀照依時價盡數發糶至臺灣一府三縣

遠在海外現存捐輸穀八千六百餘石常平倉穀一十一萬餘石除每縣應存穀石其餘盡行發糶貯銀遇荒歉賑濟其所存穀石仍照每歲出陳易新之例加謹收貯

又覆准河南現存穀石每年將一半存倉備賑一半借給窮民

預備倉

附

明會典洪武初令天下縣分各立預備四倉官為糶穀

收貯以備賑濟就擇本地年高篤實民人管理

明史食貨志明初州縣設預備倉東南西北四所以賑
凶荒永樂中令天下府縣預備倉之在四鄉者移置城
內

明史宣宗本紀宣德五年五月修預備倉出官錢收糴
備荒

續文獻通考正統五年令六部都察院推選屬官領敕
分詣兩畿各省府州縣立預備倉發所在庫銀糴糧貯

之軍民中有能出粟以佐官者授以散官旌其門

明實錄成化十年敕藩司異時州縣設預備四倉所以
廣儲蓄備旱潦為民賴也比久廢弛宜覈實現在儲蓄
有無多寡之數仍儘各處在官贖糴糴粟為備有不敷
聽於存留項內借撥或於各里上中戶勸助以充其看
守倉者於附近里分令殷實有行止者主之至通同官
吏實收虛放為侵盜者論如律衛所地亦如之

明史食貨志成化初廢臨德預備倉在城外者而以城

內空廩儲預備米石名臨清者曰常盈德州者曰常豐
又弘治三年限州縣十里以下積萬五千石二十里積
二萬石衛千戶所萬五千石百戶所三百石考滿之日
稽其多寡以為殿最

又嘉靖初諭德顧鼎臣言成弘時每年以存留餘米入
預備倉緩急有備今秋糧僅足兌運預備無粒米之急
復預備倉糧以裕民帝乃令有司設法多積米穀府積
萬石州四五千石縣二三千石為率既又定十里以下

萬五千石累而上之八百里以下至十九萬石其後盡
平糶以濟貧民儲積漸減隆慶時劇郡無過六千石小
邑止千石久之數益減萬厯中上郡至三千石止而小
邑或僅百石有司沿為具文屢下詔申飭率以虛數欺
罔而已

欽定授時通考卷五十五

欽定四庫全書薈要卷一萬七百十九

子部

欽定授時通考卷五十六

蓄聚

社倉

隋書食貨志開皇五年五月工部尚書長孫平奏令諸州百姓及軍人勸課當社共立義倉收穫之日隨其所得勸課出粟及麥於當社造倉窖貯之即委社司執帳檢校每年收積勿使損敗若時或不熟當社有饑饉者

即以此穀賑給十六年正月又詔秦疊成康武文芳宥
旭洮岷渭紀河廓幽隴涇寧原敷丹延綏銀扶等州社
倉竝於當縣安置二月又詔社倉准上中下三等稅上
戶不過一石中戶不過七斗下戶不過四斗

唐書食貨志其凶荒則有社倉賑給

名臣奏議宋張方平上倉廩論畧比者敕書諭州縣使
立義倉徒有空文而無畫一之制於茲三年天下皆無
立者誠監前代之善策為齊民之大計明立條式權其

斂出令天下之縣各於逐鄉築為囷廩於中戶已上為之等級課入穀麥其輸入之數視歲薄厚為之三品縣掌其籍鄉吏守之遇歲之饑發以賑給小饑則約小熟之所斂中饑則約中熟之所斂大饑則約大熟之所斂專自縣鄉檢校之無使州郡計司侵取雜用焉此則收自優戶穰歲之有餘散於貧人凶年之不足不使兼并賈人挾輕資蘊重積筦其利以豪奪於吾民此其協於大易哀多益寡稱物平施之義符於周官黨使相救州

使相調之法契詩人京坻之頌應時令振乏之理使民足而知順讓益歸於本業誠為國之大利也

又劉行簡轉對奏狀畧義倉之法論始於隋增廣於唐國朝因焉隋開皇間長孫平請令諸州百姓勸課同社共立義倉收穫之日各出粟麥藏焉社司執帳檢校多少歲或不登則發以賑之然立法有未備也至唐貞觀間戴胄請自王公以下爰及衆庶計所墾田稼穡畝頃每至秋熟以理勸課盡令出粟各於所在為立義倉國

朝乾德間天子哀歲之不登而倉吏不以時出與民於是著發粟之制使不待詔令其後病吏之煩擾而民罹轉輸之困又罷之至神宗始復舊制民到於今賴焉然而推行之意有未盡合於古者豈得不論且所謂義倉者取粟於民還以賑之固不可以不均今也置倉入粟止在州郡歲饑散給而山澤僻遠之民往往不霑其利其力能赴州就食者蓋亦鮮少况所得不足償勞流離顛沛有不可勝言者此豈社倉之本意哉臣愚謂義倉

之粟當於本縣鄉村多置倉窖自始入粟以及散給悉在其間大縣七八處小縣三四處遠近分布俾適厥中若未有倉窖則寄寺觀或大姓之家縣令總其凡以時檢校遇饑饉時丞簿尉等分行鄉村計口給歷次第支散旬一周之庶幾僻遠之民均受其賜不復棄家流轉道路此利害之較然者也

宋朱子延和奏劄臣所居建寧府崇安縣開耀鄉有社倉一所係昨乾道四年鄉民艱食本府給到常平米六

百石委臣與本鄉土居朝奉郎劉如愚同其賑貸至冬收到元米次年夏間本府復令依舊貸與人戶冬間納還臣等申府措置每石量收息米二斗自後逐年依舊斂散或遇小歉即蠲其息之半大饑即盡蠲之至今十有四年量支息米造成倉廩三間收貯已將元米六百石納還本府其見管三千一百石竝是累年人戶納到息米已申本府照會將來依前斂散更不收息每石只收耗米三升係臣與本鄉土居官及士人數人同共掌

管遇斂散時即申府差縣官一員監視出納以此之故
一鄉四五十里之間雖遇凶年人不闕食竊謂其法可
以推廣行之他處乞特依義役體例行下諸路州軍曉
諭人戶有願依此置立社倉者州縣量支常平米斛責
與本鄉出等人戶主執斂散每石收息二斗仍差本鄉
土居官貢士人有行義者與本縣官同其出納收到息
米十倍本米之數即送元米還官却將息米斂散每石
只收耗米三升其有富家情願出米作本者亦從其便

息米及數亦與撥還如有鄉土風俗不同者更許隨宜立約申官遵守實為久遠之利其不願置立去處官司不得抑勒則亦不至騷擾

朱子社倉法一逐年五月下旬新陳未接之際預於四月上旬申府乞依例給貸仍乞選差本縣清強官一負人吏一名斗子一名前來與鄉官同其支貸

一申府差官訖一面出榜排定日分分都支散先遠後近一日一都曉示人戶產錢六百文以上及自有營運

衣食不闕不得請貸各依日限具狀

狀內開說大
人小兒口數

結保

每十人結為一保遞相保委如保內逃亡之人同保均

備取保十人以下不成保不支正身赴倉請米仍仰社

首保正副隊長大保長竝各赴倉識認面目照對保簿

如無偽冒重叠即與簽押保明其社首保正等人不保

而掌主保明者聽其日監官同鄉官入倉據狀依次支

散其保明不實別有情弊者許人告首隨事施行其餘

即不得妄有邀阻如人戶不願請貸亦不得妄有抑勒

一收支米用淳熙七年十二月本府給到新漆黑官桶及官斗仰斗子依公平量其監官鄉官人從逐廳只許兩人入中門其餘竝在門外不得近前挨拶攬奪人戶所請米斛如違許被擾人當廳告覆重作施行

一豐年如遇人戶請貸官米即開兩倉存留一倉若遇饑歉則開第三倉專賑貸深山窮谷耕田之民庶幾豐荒賑貸有節

一人戶所貸官米至冬納還不得過十一月下旬先於

十月上旬定日申府乞依例差官將帶吏斗前來公共受納兩平交量舊例每石收耗米二斗今更不收上件耗米又慮倉廩折閱無所從出每石量收三升准備折閱及支吏斗等人飯米其米正行附厯收支

一申府差官訖即一面出榜排定日分分都交納先近後遠一日一都仰社首隊長告報保頭告報人戶遞相糾率造一色乾硬糙米具狀同保共為一狀未足不得交納如保內有人逃亡即同保均備納足赴倉交納監

官鄉官吏斗等人至日赴倉受納不得妄有阻節及過數多取其餘竝依給米約束施行其收米人吏斗子要知首尾次年夏支貸日不可差換

一收支米訖逐日轉上本縣所給印歷事畢日具總數申府縣照會

一每遇支散交納日本縣差到人吏一名斗子一名社倉算交司一名倉子二名每名日支飯米一斗約半月發遣裏足米二石共計米一十七石五斗又貼書一名

貼斗一名各日支飯米一斗約半月發遣裹足米六斗
共計四石二斗縣官鄉官人從十七名各日支飯米五
升十日共計米八石五斗已上共計米三十石二斗一
年收支兩次共用米六十石四斗逐年蓋牆并買藁薦
收補倉廩約米九石通計米六十九石四斗

一排保式某里第某都社首某人今同本都大保長隊
長編排到都內人口數下項

一請米狀式某都第某保隊長某人大保長某人下某

處地方保頭某人等幾人今遞相保委就社倉借米每
大人若干小兒減半候冬收日備乾硬糙米每石量收
耗米三升前來送納保內一名走失事故保內人情願
均備取足不敢有違謹狀

一簿書鎖鑰鄉官公共分掌其大項收支須同監官簽
押其餘零碎出納委鄉官公共掌管務要均平不得徇
私容情別生奸弊

一如遇豐年人戶不願請貸至七八月而產戶願請者

聽

一倉內屋宇什物仰守倉人常切照管不得毀損及借出他用如有損失鄉官點檢勒守倉人備償如此小損壞逐時修整大段改造臨時具因依申府乞撥米斛

朱子大全集建安五夫社倉記常平義倉有古法之遺意然皆藏於州縣所惠不過市井游惰輩至於深山長谷力穡遠輸之民則雖饑餓致死而不能及又其為法太密使吏之避事畏法者視民之殍而不肯發往往全

其封鑠遞相傳授或至累數十年不一省一旦甚不獲
已然後發之則已化為浮埃聚壤不可食矣夫以國家
愛民之深其慮豈不及此然而未有所改者豈不以里
社不能皆可任之人欲一聽其所為則恐其計私以害
公欲謹其出入同於官府則鉤校靡密上下相遁其害
又有甚於前所云者是以難之而有弗暇耳是倉也處
於諸邑之里社主於鄉曲之士君子斂散有經維持有
要即此鄉之粟活此鄉之民脫遇阻饑朝取暮獲讀周

禮旅師遺人之官觀其頒斂之疏數委積之遠邇為之制數甚詳且密聖人既竭心思繼之以不忍人之政其不可及如此

宋史食貨志淳熙八年浙東提舉朱熹請以社倉法行於倉司時陸九淵在敕令局見之曰社倉幾年矣有司不復舉行是以遠方無知者遂編入賑恤

宋史儒林傳真德秀知潭州易穀九萬五千石分十二縣置社倉以徧及鄉落

又黃震通判廣德軍初孝宗班朱熹社倉法於天下而廣德則官置此倉民困於納息至以息為本而息皆橫取民窮至自經人以為熹之法不敢議震曰法出於堯舜三代聖人猶有變通安有先儒為法不思揅其弊耶況熹法社倉歸之於民而官不得與官雖不與而終有納息之患震為別買田六百畝以其租代社倉息約非凶年不貸而貸者不取息

續文獻通考元世祖時趙天麟上策言至元六年有旨

每社立一義倉社長主之官司不得拘檢借貸勒支遇
歉歲就給社民食用社長明置收支文歷無致損耗今
社倉多有空乏處伏望詔諭農民一社立社長社司各
一人社下諸家共穿築倉窖子粒成熟之時計田畝之
多寡而聚之凡納例常年每畝粟率一升稻率二升大
有年聽自相勸督而增數納之水旱蝗聽自相免同社
豐歉不均宜免其歉者饑饉則計口數之多寡而散之
凡出例每口日一升儲多每口日二升勒為定體社長

社司不得私用官司不得拘檢借貸如是則非惟共相賑救義風亦行矣

明史食貨志嘉靖八年令各撫按設社倉令民二三十家為一社擇家殷實而有行義者一人為社首處事公平者一人為社正能書算者一人為社副每朔望會集別戶上中下出米四斗至一斗有差斗加耗五合上戶主其事年饑上戶不足者量貸稔歲還倉中下戶酌量振給不還倉有司造冊送撫按歲一察覈倉虛罰社首

出一歲之米其法頗善然其後無力行者

明實錄嘉靖中侍郎王廷相言備荒之政莫善於古之義倉若立倉於州縣則窮鄉就倉旬日待斃宜貯之里社定為規式一村之間約二三百家為一會每月一舉第上中下戶捐穀多寡各貯於倉而推有德者為社長善處事能會計者副之若遭凶歲則計戶而散先中下者後及上戶上戶責之償中下者免之凡給貸悉聽於民第令登記冊籍以備有司稽考則既無官府編審之

煩亦無奔走道路之苦從之

廣治平略天啓四年兩浙大水杭州推官蔡懋德建議
請有司稍捐羨贖富戶隨力捐貲修建社倉做朱子法
而變通之令社倉分隸各里不似昔之總隸於官令官
府多方措置不似昔之止勸好義輸納令倉穀司之約
長隨時斂散生息不入查盤不似昔之一經封貯即入
查盤惟有年年減耗令散穀只在本里賑貸先定極貧
次貧按冊可稽不似昔之遇荒議賑貧民擁擠難稽署

錢塘者匝月修復社倉三十所積粟九百餘石撫按頌其法於通省民賴以濟

又崇禎十三年間連歲旱荒中書舍人陳龍正舉社倉法於本鄉每區將附近各村居人挨次畫圖列名置簿挿青之際力不足者戶貸米五斗多者一石至冬加息二分納還借貸之時須貼鄰五家共立一票稍寓保結之意倘有不守本業浪遊花費到冬無出難於清楚者不得姑作人情至於收放總用本色不於例息二分

之外稍有參差諸縣倣行之御史李悅心上其法於朝
大清會典康熙四十二年

諭直隸各省州縣雖設有常平倉收貯米石遇饑荒之年
不敷賑濟亦未可定應於各村莊內俱設立社倉收貯
米石直隸有滿洲莊頭可合數村共立一社倉其管理
社倉事宜令莊頭內有情願經管者交與收貯百姓村
莊公設社倉百姓內有情願經管者交與收貯以備饑
荒傳諭直隸巡撫如設立社倉果有益於民生著各省

亦照例於各村莊設立社倉收貯穀石大學士會同九卿詳議遵

旨議定設立社倉於本鄉捐出即貯本鄉誠實之人經管上歲加謹收貯中歲糶借易新下歲量口發賑

又康熙四十五年覆准直屬社倉四十一二三等年勸捐米穀共七萬四千九百七十石零出借窮民得息米一千五十一石零又四十四年永保二府陸續捐穀四百三十五石零俱貯各屬社倉係本鄉捐出者即貯本

鄉令本鄉誠實之人經管

又雍正二年

諭社倉之設原以備荒歉不時之需用意良厚然往往行之不善致滋煩擾官民俱受其累朕以為奉行之道宜緩不宜急宜勸諭百姓聽民便自為之而不當以官法繩之也近時各省漸行社倉之法貯蓄於豐年取之於儉歲俾民食有賴而荒歉無憂朕心深為嘉悅但因地利宜須從民便是在有司善為倡導於前留心照應於

後使地方有社倉之益而無社倉之擾督撫當加意體察

又雍正二年覆准社倉之法原以勸善興仁該地方官務須開誠勸諭不得苛派以滋煩擾至收貯米石先於公所寺院收存俟息米已多成造倉廩收貯設立簿冊逐一登明其所捐之數不拘升斗積少成多若有奉公樂善捐至十石以上給以花紅三十石以上獎以匾額五十石以上遞加獎勵其有好善不倦年久數多捐至

三四百石者該督撫奏

聞給以八品頂帶其每社設正副社長擇端方立品家道殷實者二人果能出納有法鄉里推服令按年給獎如果十年無過該督撫題請給以八品頂帶徇縱者即行革懲侵蝕者按律治罪其收息之多寡每石收息二斗小歛減息一半大歛全免其息祇收本穀至十年後息已二倍於本祇以加一行息其出入之斗斛照部頒斗斛公平較量社長預於四月上旬申報地方官依例給

貸定日支散十月上旬申報依例受納兩平較量不得
抑勒多收臨放時願借者先報社長州縣計口給發交
納時社長先行示期依限完納其冊籍之登記一社設
立用印官簿一樣二本一本社長收執一本繳州縣存
查登記數目毋得互異其存縣一本夏則五月申繳至
秋領出冬則十月申繳至來春領出不許遲延以滋弊
竇每次事畢後社長本縣各將總數申報上司如有地
方官抑勒那借强行糶賣侵蝕等事許社長呈告上司

據實題叅

又雍正三年覆准河南社倉預造排門細冊將姓名年貌住址以及官紳士庶商賈逐一註明送官用印存案日後借貸悉以此為準其游手好閒者不許借貸於正副社長外再公舉一身家殷實者總司其事令其不時查察如有欺隱令其賠償果能使倉儲充牣題請准給典以示激勸此項積貯無論官貲不得撥用即同邑之社亦不得以此應彼如有官貲抑勒那借許社長呈告

上司據實題叅其所需一切紙張筆墨以及人工飯食
或行勸諭或撥罰項以充其用不得濫行科斂致滋擾
累至積米既多於夏秋之交平糶秋成照時價採買還
倉

義倉

隋書長孫平傳開皇三年徵拜度支尚書奏令民間每
秋家出粟麥一石已下貧富差等儲之閭巷以備凶年
名曰義倉

又食貨志是時義倉貯在人間多有費損開皇十五年
二月詔曰本置義倉止防水旱百姓之徒不思久計輕
爾費損於後乏絕又北境諸州異於餘處雲夏長靈鹽
蘭豐鄯涼甘瓜等州所有義倉雜種竝納本州若有旱
儉少糧先給雜種及遠年粟

通典唐貞觀初天下始置義倉每有饑饉則開倉賑給
高宗永徽二年九月頒新格義倉據地取稅實是勞煩
宜令戶出粟上上戶五石餘各有差

唐書食貨志尚書左丞戴胄建議自王公以下計墾田秋熟所在為義倉歲凶以給民太宗善之乃詔畝稅二升粟麥秔稻隨土地所宜寬鄉斂以所種狹鄉據青苗簿而督之田耗十四者免其半耗十七者皆免之商賈無田者以其戶為九等出粟自五石至於五斗為差下下戶及夷獠不取焉歲不登則以賑民或貸為種子則至秋而償

宋史食貨志太祖乾德初詔諸州於各縣置義倉歲輸

二稅石別收一斗民饑欲貸充種食者州長吏貸訖然後奏聞後以輸送煩勞罷之

又明道二年詔議復義倉不果景祐中集賢校理王琪請復置令五等已上戶隨夏秋二稅二斗別輸一升水旱減稅則免輸州縣擇便地置倉貯之領於轉運使計以一中郡正稅歲入十萬石則義倉可得五千石推而廣之則利博矣且兼并之家占田常廣則義倉所入常多中下之家占田常狹則義倉所入常少及水旱振濟

則兼并之家未必待此而濟中下之民實先受其賜矣
事下有司會議議者異同而止慶厯初琪復上其議仁
宗納之命天下立義倉詔上三等戶輸粟已而復罷其
後賈黯又請仿隋制立民社義倉詔天下州軍遇年穀
豐登立法勸課蓄積以備凶災然當時牽於衆論終不
果行

文獻通考宋高宗紹興二十八年趙令詎言州縣義倉
米積久陳腐乞出糶及水旱災荒不拘檢放及七分便

續文獻通考遼聖宗統和十三年令郡縣置義倉歲秋熟社民隨所獲戶出粟儲社倉司籍其目歲歉發以賑民時沿邊諸州各有和糴倉出舊易新許民自願假貸收息二分所在二三十萬石

欽定四庫全書

續文獻通考延祐四年二月敕郡縣各社復置義倉至
治元年五月御史劉恒請興義倉泰定二年九月以郡
縣饑敕有司治義倉

大清會典雍正四年兩淮衆商公捐銀兩奉


旨以三十萬兩為江南買貯米穀蓋造倉廩之用賜名鹽
義倉遵

旨議定於揚州府治建倉積貯每年於青黃不接之時照
存七糶三之例出陳易新或於米貴之時開倉平糶總

至秋成糴補



欽定授時通考卷五十六



總校官庶吉士 臣侍 朝

校對官庶吉士 臣嚴 福

謄錄舉人 臣杜安詩

欽定四庫全書薈要

子部

欽定授時通考卷五十七

八



詳校官主事_臣陳本

欽定四庫全書薈要卷一萬七百二十

子部

欽定授時通考卷五十七

蓄聚

圖式

農書倉廩皆蓄積之所古有定制重民食也次而

困京下而害實世所共行俱穀藏去聲類也然又各有巧


要以從省便凡欲儲貯務儉德者當取為法

又北方高亢多粟宜用實窖可以久藏南方墊溼多稻

宜用倉廩亦可歷遠年

倉

八
七
六
五
四
三
二
一



倉圖說

倉穀藏也釋名曰倉藏也天文集曰廩星主倉史記天官書胃為天倉此名著於天象者禮月令曰孟冬命有司修囷倉周禮倉人掌粟入之藏此名著於公府者詩曰乃求千斯倉管子曰倉廩實而知禮節此名著於民家者今國家備儲蓄之所上有氣樓謂之廩房前有簷楹謂之明廈倉為總名蓋其制如此夫農家貯穀之屋雖規模稍下其名亦同皆係累年蓄積所在內外材木

露者悉宜灰泥塗飾以辟火災木又不蠹可為永法

明張朝瑞倉廩議一定倉基凡倉基俱南向以四畝為率或地不足四畝者聽其隨地建造前後左右段落務要酌量停勻毋使偏邪甚有基地不足三畝者聽其將社學及有倉耳房從便另造於別地不造入倉內亦可然地基窄狹者正廳房門可小而兩倉房間架斷不可小以其每間盛穀原約四百石有餘小則難容也各倉基址必擇高阜之處以避水溼侵穀若地有不平者須

填補方正平坦方可興工四面水道必開濬歸一不得聽其二三漫流各縣先將四倉四至丈尺畝數坐落地名與應建倉廩廳舍間數每倉畫圖一張貼說明白并應給買民基價數一一勘處停妥逕送二道及該府廳查覈一定倉式保民實政簿開各縣立四鄉倉每縣積穀務期萬石為率州縣大者倍之則大縣當儲二萬石中縣一萬五千石小縣一萬石矣今議頒倉式該府廳督令各縣相度地基依式建造每縣各分四鄉每鄉建

倉一所頭門一座約高一丈三尺八寸中濶一丈八深連簷一丈七尺六寸兩傍耳房每間濶八尺以便住看倉人役頂上用大竹篾覆之蓋瓦太門二扇每扇濶三尺東西廩房大縣共該貯穀五千石每邊應造廩房七間中縣約共四千石每邊應造廩房五間小縣約共二千五百石每邊應造廩房三間每廩房一間約貯穀四百石以上約高一丈三尺六寸濶一丈一尺二寸八深一丈六尺廩內先用地工將廩深築堅實外簷用石板

兩傍各二間五間者中三間兩傍各一間三間者亦隔三段各開三門氣樓亦如之其廩內貼牆處用木柵釘相思縫厚板使穀不著牆以防浥爛廩口亦用相思厚板橫閘如地勢卑溼者廩前一面不用磚牆廩板外用圓木柵欄一帶上面建廊濶五尺六寸廳前及兩倉外明堂空地俱用石板鋪平以便曬穀本倉外週圍牆垣牆脚濶三尺五寸約高一丈一尺上用牆梯瓦蓋先用地工深築堅實牆脚用大石塊砌高三尺方用土築務

離倉牆一二丈內可容人行其土不可貼近本牆掘取
以上各項倉房廳舍務期堅固經久不在華美其丈量
地基起造房屋并量木植磚石俱用大官鈔尺為準其
木匠小尺不用須使畫一毋致參差一辦倉料倉廩每
邊七間合用柱木每根徑六寸矮柱每根徑六寸桁條
每根徑五寸五分抽楣每根徑四寸椽木每根徑三寸
穿柵木每根徑四寸地板楞木每根徑五寸地板壁板
每塊厚八分正廳三間合用中柱木每根徑一尺一寸

用實木邊柱每根徑九寸大梁每根長二丈徑一尺四寸二梁每根長一丈徑一尺一寸步梁每根長八尺徑一尺抽楣木每根徑四寸五分析條每根徑六寸椽木每根徑三寸門房三間合用柱木每根徑五寸桁條每根徑四寸抽楣木每根徑三寸大門二扇每扇濶三尺後社學三間合用柱木每根徑六寸桁條每根徑五寸五分抽楣木每根徑三寸五分大梁每根徑九寸長一丈八尺二梁每根徑八寸五分長一丈椽木每根徑二

首尾相應乾燥老黃色者毋將背山白色嫩木塘塞虛
應石板採買上好青白堅細者黃色疎爛者不用其磚
瓦須擇青色者如黃色者不用以上各項物料各縣掌
印官親將每倉應造廩房廳舍逐一親自從實勘估酌
量某項應用若干該價若干某項應用若干該價若干
估定照數給銀責令原定各役採買木石等料搬運一
到即具數報掌印官并佐貳委官及總管各查驗揀選
堪用者收之不堪者即時退換不得虛冒混收燒造磚


瓦不如式者不許混用仍置簿送縣印鈐日逐登填收發數目明白委官不時稽查各縣仍將查估過工料價銀總撒數目逐一造冊報道查核東西兩邊倉廩與正廳一應木石磚瓦皆用新料其門房社學材植等料倘有見成民房願賣可以改用者一照時價給與見銀平買庶工省費廉建造尤速惟不虧其價而人自樂從矣呂坤積貯條件穀積在倉第一怕地溼房漏第二怕雀入鼠穿此其防禦不在人力乎大凡建倉擇於城中最

高處所院中地基務須鍤背院牆水道務須多留凡鄰
倉庾居民不許挑坑聚水違者罰修倉廩一倉屋根基
須掘地實築有石者石為根脚無石者用熟透大磚磨
邊對縫務極嚴匝厚須三尺釘橫俱用交磚做成一家
以防地震房須寬寬則積不蒸須高高則氣得洩仰覆
瓦須用白礬水浸雖連陰彌月亦不滲漏梁棟椽柱務
極粗大應費十金者費十五二十金一時無處固利於
苟完數年即更實貽之倍費故善事者一勞永逸一費

永省究竟較多寡一費之所省為多也以室家視倉廩者當細思之一風窗本為積熱壞穀而不知雀之為害也既耗我穀而又遺之糞食者甚不宜人今擬風窗之內障以竹篾編孔僅可容指則雀不能入倉牆成後洞開風窗過秋始得乾透其地先鋪煤灰五寸加鋪麥糠五寸上慢大磚一重糯米雜信浸和石灰稠黏對合磚縫如木有餘再加木板一週缺木處所釘席一週可也一假如倉廩五間東西稍間各用板隔斷與門楣齊穀

止積於四間留板隔東一間如常開空值六七月久陰
氣溼或新收穀石生性未除倘不發洩必生內熱州縣
官責令管倉人役將穀自東第三間起倒入東一間開
空之處一間倒一間是滿倉翻轉一遍熱氣盡洩本味
自全何紅腐之有一太倉禁用燈火今各倉積柴安竈
全無禁約萬一火起何以撲之以後不許仍用官吏以
下飯食外面喫來不得已者送飯冬月但用湯壺如違
重治

廩



廩圖說

廩倉之別名詩曰亦有高廩萬億及秭注云廩所以藏
粢盛之穗說文曰倉黃面而取之故謂之面或從一從
禾今農家構及無壁厦屋以儲禾穗種稑之種即古之
廩也唐韻云倉有屋曰廩倉其藏穀之總名而廩庾又
有屋無屋之辨也


庚



庾圖說

庾鄭詩箋云露積穀也集韻庾或作廡倉無屋者詩曰
曾孫之庾如坻如京又曰我庾維億蓋謂庾積穀多也

困




困圖說

困圓倉也禮月令曰修困倉說文廩之圓者圓謂之困
方謂之京吳志周瑜謁魯肅肅指其困以與之西京雜
記曰曹元理善算困之穀數類而言之則困之名舊矣
今貯穀圜坭塗其內草苫於上謂之露坭者即困也

京


五四三二一



京圖說

京倉之方者廣雅云字從广廩倉也又謂四起曰京今取其方而高大之義以名倉曰京則其象也夫囷京有方圓之別北方高亢就地植木編條作筵故圓即囷也南方墊溼離地嵌板作室故方即京也此囷京又有南北之宜庶識者之擇而用也

害




空圖說

害藏穀穴也史記貨殖傳曰宣曲任氏獨害食粟楚漢相拒滎陽民不得耕米石至數萬而豪傑金玉盡歸任氏任氏以是起富嘗謂穀之所在民命是寄今藏至地中必有重遇且風蟲水旱十年之內儉居五六安可不預備凶災夫穴地為害小可數斛大至數百斛先投柴棘燒令其土焦燥然後周以糠稊貯粟於內五穀之中惟粟耐陳可歷遠年有於窖上栽樹大至合抱內若變

炔樹必先槁又謂葉必萎黃又擣別窖北地土厚皆宜
作此江淮高峻土厚處或宜倣之


實



竇圖說

竇似窖月令曰穿竇窖令人下掘或旁穿出土轉於他處內竇以粟復以草塏封塞他人莫辨即謂竇也蓋小口而大腹竇小孔穴也故名竇


笔



笔圖說

笔集韻云盛穀器或作圀一也北方以荆柳或蒿卉制為圓樣南方判竹編草或用簾篠空洞作圀各用貯穀南北通呼曰笔兼簾籬而言也然笔多露置可用貯糧簾籬在室可用盛種皆農家收穀所先具者故併次之簾說文云判竹圓以盛穀笔類也簾或作圀此籬與簾皆笔之別名但大小有差亦篠蕒之舊制不可遺也

陂



𩚑圖說

𩚑集韻云𩚑筐盛種器盖連底小筴便於移用


穀匣

十九八七六五四三二一

穀匣圖說

穀匣盛穀方木層匣也用板四葉相嵌而方大小不等
高下隨宜下底足疊累數層上作頂蓋貯穀於內置穴
於下可以啓閉用之多在屋室亦可露置以瓦覆之比
之囤京可以移頓較之笥籩可以增減既無雀鼠之耗
又無溼炆之虞實穀藏之佳者


簞



萑圖說

萑草器所以盛穀也集韻作簍


蓀



蓐圖說

蓐許慎說文曰耘器也或曰盛穀種器南方盛稻種用
蓐以竹為之北方藏粟種蓐多以草木之條編之蓐蓋
是此類


筐



筐圖說

筐竹器之方者三禮圖曰大筐以竹受五斛以盛米致饋於聘賓小筐以竹受五升以盛米又曰筐以盛熬穀


宮



筥圖說

筥亦作簾竹器之圓者注曰筥圓而長但可實物而已
三禮圖曰筥受五升盛饗餼之米致於賓館良耜詩曰
載筐及筥左傳筐筥錡釜之器字說云筐筥一器特方
圓之異云耳江沔之間謂之箕趙岱之間謂之筥淇衛
之間謂之牛筐小者南楚謂之簾自關而西秦晉之間
謂之筥筥其通語也


種 簞



種簞圖說

種簞盛種竹器也其量可容數斗形如圓甕上有簞口
農家用貯穀種皮之風靈不致鬱浥勝窖藏也論語一
簞食之簞乃食器與此字雖同然制度有大小之殊作
用有彼此之效


籬



籬圖說

籬編竹為之上圓下方挈米穀器量可一斛方言籬所以注斛陳魏宋楚之間謂之筭自關而西謂之注箕皆籬之別名也

簍



簍圖說


簍亦籬屬比籬稍匾而小用亦不同簍則造酒造飯用之漉米又可盛食物蓋籬盛其粗者而簍盛其精者精粗各適所受不可易也

儋

儋圖說

儋貯米器也漢書揚雄無儋石之儲晉劉毅家無儋石之儲應劭曰齊人名甕為儋受二斛顏師古曰儋者一人所負擔也方言云瑩陳魏宋楚之間曰甕或曰甗燕之東北朝鮮列水之間謂之甗周洛韓鄭之間謂之甗儋或作甗字從瓦瓦器也今江淮間農家造泥為甗披以麻草用貯食米可以代儋細民甚便之

籃



籃圖說

籃竹器無繫為筐有繫為籃大如斗量又謂之筭省農家用採桑柘取蔬果等物易挈提者方言龍南楚江沔之間謂之筭或謂之筭郭璞云亦呼籃蓋一器而異名也

穀蟲



穀虫圖說

穀虫集韻云虛器也又謂之氣籠編竹作圍徑可一尺高或二丈底足稍大易於豎立內置木桴數層乃先列倉中每間或五或六亦量積穀多少高低大小而制之嘗見倉廩困京等所貯米穀蒸溼結厚數尺謂之蒙頭以致壓醢變黃漸成炆腐往往耗損公私坐致陷害誠可甚惜今置此器使鬱氣升通米得堅燥免蹈前弊實濟物之良法凡儲蓄之家不可闕

欽定授時通考卷五十七